



新刻
頭書

書經集註

二

□ 12
3114
2



3114
卷 2

△音釋云帝王世紀云禹受封于河南陽翟來滂鄭氏云禹封陝州夏懸未知孰是

○千百年眼云禹貢一書作於虞夏之際乃千百年談地理者卒莫能外也云吁禹貢之書不過數千言耳古今言地理之牴牾莫不於此取質焉後此者其可舍之而不為依據乎

書經卷之二

蔡沉集傳

夏書

是功也

夏禹有天下之號也書凡四篇禹貢作於虞時而繫之夏書者禹之王以


禹貢

上之所取謂之賦下之所供謂之貢是篇有貢有賦而獨以貢名篇者孟子曰夏后氏五十而貢貢者較數歲之中以為常則貢又夏后氏田賦之總名也今文古文皆有

禹敷土隨山刊木奠高山大川

敷分也分別也奠定也定高山太川以別州境也若兗之濟河青之海岱揚之淮海雍之黑水西河

○音釋云星土之法
周禮保章氏以星土
辨九州之地所封註
云星土星所主土也
星紀具越玄枵齊娥
訾衛降婁魯大梁趙
實沉晉鶉首秦鶉火
涓鶉尾楚壽星鄭大
火宋析木燕詳見漢
晉天文志九野淮南
子天文訓云天有九
野高誘註九天之野
也其說以中央八方
九天分二十八宿配
諸國分野與前說畧
同



△音釋云漢地志前
漢書地理志也後凡
言地志者並同

荆之荆衡徐之海岱淮豫之荆河梁之華陽
黑水是也方洪水橫流不辨區域禹分九州
之地隨山之勢相其便宜斬木通道以治之
又定其山之高者與其川之大者以為之紀
綱此三者禹治水之要故作書者首述之○
曾氏曰禹別九州非用其私智天文地理區
域各定故星土之法則有九野而在地者必
有高山大川為之限隔風氣為之不通民生
其間亦各異俗故禹因高山大川之所限者
別為九州又定其山之高峻水之深大者為
其州之鎮秩其祭
而使其國主之也

△冀州 冀州帝都之地三面距河兗河之西
雍河之東豫河之北周禮職方河內
曰冀州是也八州皆言疆界而冀不言者以
餘州所至可見是氏曰亦所以尊京師示王

者無外
之意

既載壺口 經始治之謂之載壺口山名漢地
志在河東郡比廂縣東南今隰州
吉鄉縣也○今按既載云者冀州帝都之地
禹受命治水所始在所當先經始壺口等處
以殺河勢故曰既載然禹治水之功之序則
皆自下流始故次兗次青次徐次揚次荆次
豫次梁次雍兗最下故所先雍最高故獨後
禹言予決九川距四海濬畎澮距川即其用
工之本末先決九川之水以距海則水之大
者有所歸又濬畎澮以距川則水之小者有
所泄皆自下流以疏殺其勢讀禹
貢之書求禹功之序當於此詳之

△治梁及岐 梁岐皆冀州山梁山呂梁山也
在今石州離石縣東北爾雅云

△音釋云酈道元字善長後魏人註桑欽水經

梁山晉望。即冀州呂梁也。呂不韋曰龍門未關。呂梁未鑿。河出孟門之上。又春秋梁山崩。左氏穀梁皆以為晉山。則亦指呂梁矣。酈道元謂呂梁之石崇。疎河激盪。震動天地。此禹既事壺口。乃即治梁也。岐山在今汾州介休縣孤岐之山。勝水所出。東北流注于汾。酈道元云。後魏於胡岐置六壁防。離石諸胡。因為太鎮。今六壁城在勝水之側。實古河逕之險阨。二山河水所經。治之。所以開河道也。先儒以為雍州梁岐者。非是。

△既修太原至于岳陽。修因鯨之功而修之。路太原府也。岳太岳也。周職方冀州其山鎮曰霍山。地志謂霍太山即太岳。在河東郡魏縣東。今晉州霍邑也。山南曰陽。即今岳陽縣地也。堯之所都。揚子雲冀州箴曰岳陽是都。

是也。蓋汾水出於太原。經於太岳。東入于河。此則導汾水也。

△覃懷底績至于衡漳。覃懷地名。地志河內郡有懷縣。今懷州也。

會氏曰。覃懷平地也。當在孟津之東。太行之西。涑水出平其西。淇水出平其東。方洪水懷山襄陵之時。而平地致功。為難。故曰底績。衡漳水名。衡古橫字。地志漳水二。一出上黨。沾縣。大鵬谷。今平定軍樂平縣。少山也。名為清漳。一出上黨。長子縣鹿谷山。今潞州長子縣發鳩山也。名為濁漳。酈道元謂之衡水。又謂之橫水。東至鄴。合清漳。東北至阜城。入北河。鄴今潞州涉縣也。阜城今定遠軍東光縣也。○又按桑欽云。二漳異源。而下流相合。同歸于海。唐人亦言漳水能獨達于海。請以為瀆。而不云入河者。蓋禹之導河。自洛水大陸至。

○音釋云桑欽漢江人著水經

○定王周二十二代
主名瑜匡王翁在位
二十一年

△音釋云十二壤周
禮註十二土分野十
二邦上繫十二次各
有所宜也土均周禮
註均平也五物五地
之物也謂山林川澤
丘陵墳衍原隰九等
謂駢剛赤緹墳壤淠
澤鹹瀉勃壤埴塈強
壤輕輿也壤以辨其
性陳氏曰白言色壤言
質後倣此草人周禮
草人掌土化之法註云
化之使美也駢剛赤
土剛強也赤緹緹色也
墳潤解也淠澤故水處
也強輿強堅也輕輿輕
脆也用謂其常
法以漬種也土會以
土會計貢賦之法見
周禮大司徒○周禮
大司徒云以土會之法
辨

碣石入于海本隨西山
下東北去周定王五
年河徙於碣石則斬
遷而東漢初漳猶入
河其後河徙日東而
取漳水益遠至欽時
河自大伾而下已非
故道而漳自入海矣
故欽與唐人所言者
如此

△厥土惟白壤漢孔氏曰無塊曰壤顏氏曰柔土曰壤夏氏曰周官大司徒辨十有二壤之物而知其種以教稼穡樹藝以土均之法辨五物九等制天下之地征則夫教民樹藝與因地制宜固不可不先於辨土也然辨土之宜有二白以辨其色壤以辨其性也蓋草人糞壤之法駢剛用牛赤緹用羊墳壤用鹿渴澤用鹿糞治田疇各因色性而辨其所當用也會氏曰冀州之土豈皆白壤云然者土會之法從其多者論也

五地之物

△載師見周禮地官司徒

△厥賦惟上上錯厥田惟中中

錯雜也賦第一等而錯出第二等也田第五等也賦高於田四等者地廣而人稠也林氏曰冀州先賦後田者冀王畿之地天子所自治併與場圃園田漆林之類而征之如周官載師所載賦非盡出於田也故以賦屬於厥土之下餘州皆田之賦也故先田而後賦又按九州九等之賦皆每州歲入總數以九州多寡相較而為九等非以是等田而責其出是等賦也冀獨不言貢篚者冀天子封內之地無所事於貢篚也

△恒衛既從大陸既作

恒衛二水名恒水地縣恒山北谷在今定州曲陽縣西北恒山也東入滹水薛氏曰東流合滹水至瀛州高陽

書經卷三

○孫炎字子然後漢
未入註爾雅

○旁通云此西山指
太行山也迤北連綿
直至趙州以上接恒
山皆在河北之西其
地常高於河

○班固著漢書司馬
遷著史記王橫字平
仲琅邪人漢太司空掾
郡 ○音釋云信洛漢志冀州信都縣有洛水故曰信洛

縣入易水晁氏曰今之恒水西南流至真定
府行唐縣東流入于滋水又南流入于衡水
非古逕矣衛水地志出常山郡靈壽縣東北
即今真定府靈壽縣也東入滹沱河蘇氏曰
東北合滹沱河過信安軍入易水從其道
也大陸孫炎曰鉅鹿北廣阿澤河所經也程
氏曰鉅鹿去古河絕遠河未嘗逕邢以行鉅
鹿之廣河非是按爾雅高平曰陸大陸云者
四無山阜曠然平地蓋禹河自澶相以北皆
行西山之麓故班馬王橫皆謂載之高地則
古河之在具冀以及枯洛之南率皆穿西山
踵趾以行及其已過信洛之北則西山勢斷
曠然四平蓋以此地謂之大陸乃與下文北
至大陸者合故隋改趙之昭慶以為大陸縣
唐又割鹿城置陸渾縣皆疑鉅鹿之大陸不
與河應而亦求之向北之地杜佑李吉甫以

○旁通云具州今改恩州為廣平路支那冀州為真定路支

為邢趙深三州為大陸者得之作言可耕
治水患既息而平地之廣衍者亦可耕治也
恒衛水小而地遠大陸地平而
近河故其成功於田賦之後

△島夷皮服夷海曲曰島海島之

△夾右碣石入于河碣石地志在北平郡驪

平州之南也冀州北方貢賦之來自北海入
河南向西轉而碣石在其右轉屈之間故曰
夾右也程氏曰冀為帝都東西南三面距河
他州貢賦皆以達河為至故此三方亦不必
書而其北境則漢遼東西右北平漁陽上谷
之地其水如遼濡滹易皆中高不與河通故
必自北海然後能達河也又按酈道元言驪
城枕海有石如甬道數十里當山頂有大石

△音釋云遼濡滹易
四水名漢志遼水出
玄菟郡高句驪縣遼
山經遼東郡望平縣
至安市縣入海濡水
自遼西郡肥如縣南

入海。海河出代郡。國城東至文安入海。易水出中山國新城。縣西北東流入滏。

如柱形。韋昭以為碣石其山昔在河口海濱。故以誌其入貢河道。歷世既久。為水所漸。淪入于海。已去岸五百餘里矣。戰國策以碣石在常山郡九門縣者。恐名偶同。而鄭氏以為九門無此山也。

△濟河惟兗州

兗州之域。東南據濟。西北距河。濟河見導水。蘇氏曰。洶濟之間。相去不遠。兗州之境。東南跨濟。非止於濟也。愚謂河昔北流。兗州之境。北盡碣石。河右之地。後碣石之地。淪入於海。河益從而南。濟河之間。始相去不遠。蘇氏之說。未必然也。○林氏曰。濟古文作洧。說文註云。此兗州之濟也。其從水從齊者。說文註云。出常山房子縣贊皇山。則此二字音同義異。當以舌文為正。

△音釋云。說文云。洧水出。至屋東為洧。入海。以水名。州贊皇山。按牟氏云。濟水出贊皇山者。入洧。非四瀆之水。

△九河既道

九河爾雅。一曰徒駭。二曰太史。三曰馬頰。四曰覆鬴。五曰胡蘇。六曰簡潔。七曰鉤盤。八曰鬲津。其一則河之經流也。先儒不知河之經流。遂分簡潔為既道者。既順其道也。按徒駭河。地志云。滹沱河。寰宇記云。在滄州清池南。許商云。在平城。馬頰河。元和志在德州安德平原南。東寰宇記云。在棗州。南河北。輿地記云。即篤馬河也。覆鬴河。通典云。在德州安德。胡蘇河。寰宇記云。在滄之饒安。無棣。臨津。三縣。許商云。在東光。簡潔河。輿地記云。在臨津。鉤盤河。寰宇記云。在樂陵。東南從德州。平昌來。輿地記云。在饒安。許商云。在鬲。鬲。輿地記云。在無棣。大史河。不知所。在自漢以來。講求九河者。甚詳。漢世近古。止得其三。唐人集累世積傳之語。遂

雅註可謂以為津也。漢志。鬲。鬲之南音。鬲。許商。漢成帝時。河堤。都尉。歐陽。志。廬陵人。宋徽宗時。撰。輿地廣記。樂史。字。子正。臨川。

人宋初撰家字記

○旁通云爾雅註疏云鄭玄曰周時齊桓公塞之同為一河今河間弓高以東至平原菑津往往有其遺處春秋緯寶範圖云移河為界在齊呂填關八流以自廣鄭玄蓋據此文謂齊桓公塞之故蔡氏以為無稽也

○孟子告子下篇云五命曰無曲防誰云不得曲為限防壅塞激水以專小利也

○漢書溝洫志云王莽時大司空掾王橫言往者天嘗連雨東北風海水溢西南出浸數百里九河之地已為海所漸矣

△音釋云按山海經極遠之言朱子多所不信雷神之事不可必引也

得其六歐陽志輿地記又得其一或新河而載以舊名或一地而互為兩說要之皆似是而非無所依據至其顯然謬誤者則班固以滹沱為徒駭而不知滹沱不與古河相涉樂史馬頰乃以漢篤馬河當之鄭氏求之不得又以為九河齊桓塞其八流以自廣夫曲防齊之所禁塞河宜非桓公之所為也河水可塞而河道果能盡平平皆無稽考之言也惟程氏以為九河之地已淪於海引碣石為九河之證以謂今滄州之地北由平州接壤相去五百餘里禹之九河當在其地後為海水淪沒故其迹不存方九河未沒於海之時從今海岸東北更五百里平地河播為九在此五百里中又上文言夾石碣石則九河入海之處有碣石在其西北岸九河水道變遷難於推考而碣石通頭頂皆石不應作沒今究

冀之地既無此石而平州正南有山而名碣石者尚在海中去岸五百餘里卓立可見則是古河自今以為海處向北斜行始分為九其河道已淪入於海明矣漢王橫言昔天常連雨東北風海水溢西南出浸數百里九河之地已為海水所漸酈道元亦謂九河碣石苞淪於海後世儒者知求九河於平地而不求碣石有無以為之證故前後異說竟無歸宿蓋非九河之地而強鑿求之宜其支離而不能得也

△雷夏既澤澤者水之鍾也雷夏地志在濟陰郡城陽縣西北今濮州雷澤縣西北也山海經云澤中有雷神龍身而人頰鼓其腹則雷然則本夏澤也因其神名之曰雷夏也洪水橫流而入于澤澤不能受則亦泛濫奔潰故水治而後雷夏為澤

△音釋云睢漢志音
睢漢志南郡亦有
沮水音千余反而左
傳云江漢睢漳楚之
望也字乃作睢則睢
與沮古通用也

△澠沮會同 澠沮二水名澠水會氏曰爾雅
在宋又曰汲水受陳留浚儀陰溝至蒙為澠
水東入于泗水經汲水出陰溝東至蒙為澠
水則澠水即汲水也澠之下流入于睢水沮
氏曰爾雅云自河出為澠濟出為澠求之於
澠沮有楚音一水河濟之別也二說未
詳孰是會者水之合也同者合而一也
△桑土既蠶是降丘宅土 桑土宜桑之土既
蠶性惡濕故水退而後可蠶然九州皆賴其
利而獨於兗言之者兗地宜桑後世之濮上
桑間猶可驗也地高曰丘兗地多在甲下水
害尤甚民皆依丘陵以居
至是始得下居平地也

△旁通云周易先天之位艮為山居西北故西北多山兗為澤居東南故東南多水
○兗承河濟下流徐承淮泗下流揚承江漢下流

○左傳僖公四年有
之
○音釋云沮如漸濕
也

△厥土黑墳厥草惟繇厥木惟條 墳上脉壤
氏所謂祭之地地墳是也繇茂條長也○林
氏曰九州之勢西北多山東南多水多山則
草木為宜不待書也兗徐揚三州最居東南
下流其地卑濕沮如洪水為患草木不得其
生至是或繇或條或天或喬而或漸苞故於
三州特言之以見水土平草木亦得遂其性也
△厥田惟中下 厥賦貞作十有三載乃同 田
六等賦第九等貞正也兗賦最薄言君天下
者以薄賦為正也作十有三載乃同者兗當
河下流之衝水激而湍悍地平而土踈彼害
尤劇今水患雖平而卑濕沮如未必盡去土
曠人稀生理鮮少必作治十有三載然後賦
法同於他州此為田賦而言故其文屬於厥

賦之下。先儒以為禹治水所歷之年。且謂此州治水最在後。畢州為第九成功。因以山文厥賦。貞者謂賦亦第九。與州正為相當。殊無意義。其說非是。

△厥貢漆絲。厥篚織文。貢者下獻其土所有。於上也。充地宜漆宜桑。故貢漆絲也。篚竹器。屬也。古者幣帛之屬。則盛之以篚。篚而貢焉。經曰。篚厥玄黃。是也。織文者。織而有文。錦綺之屬也。以非一色。故以織文總之。林氏曰。有貢又有篚者。所貢之物入於篚也。

△浮于濟。潔達于河。舟行水曰浮。潔者河之浮。潔以達於河也。帝都冀州。三面距河。達河則達帝都矣。又按地志曰。潔水出東郡東武。

言釋云。潔託合。反唐。潔參。五經文字云。字本作潔。經傳相承作潔。而以潔為燥濕之濕。

○同云千乘。漢郡。屬青州。

陽至千乘。入海。程氏以為此乃漢河與潔殊異。然亦不能明言。潔河所在。未詳其地也。

△海岱惟青州。青州之域。東北至海。西南距符縣西北三十里。

△隅夷既略。隅夷。薛氏曰。今登州之地。略。經略為之。封畛也。即堯典之隅夷。

△維淄其道。維。淄水名。淄水地志云。出琅琊郡箕縣。今密州莒縣東北。維山也。北至都昌入海。今維州昌邑也。淄水地志云。出泰山。郡萊蕪縣原山。今淄州淄川縣東南七十里。原山也。東至博昌縣入濟。今青州壽光縣也。其道者。水循其道也。上文言既道者。禹為之道也。此言其道者。泛濫既去。水得其故道也。林氏曰。河濟下流。充受之。淮下。

△音釋云。冀慶府。輿地廣記。唐兗州。魯郡。宋改冀慶府。隸京東西路。

△音釋云省所易反
簡少地

流徐受之。江漢下流揚受之。青雖近海然不當眾流之衝。但濰淄二水順其故道則其功畢矣。比之他州用力最省者也。

△厥土白墳海濱廣斥濱淮也海淮之地廣方謂之斥西方謂之鹵斥鹵鹹地可煮為鹽者也

△厥田惟上下厥賦中上田第三賦第四也

△厥貢鹽絺海物惟錯岱畎絲泉鈔松怪石

萊夷作牧厥篚檿絲鹽月地所出絺細葛也錯雜也海物非一種故曰錯林氏曰既總謂之海物則固非一物矣此與揚州齒革羽毛惟木文勢正同錯蓋別

△旁通云韻會錯鐘也又云鐘摩錯之也朱子云硯以鑄錫蔡傳後云磬錯治磬之錯也
○豫州云錫貢磬錯云

○音釋云朝堅柔也
續帛也

為一物如錫貢磬錯之錯理或然也畎谷也岱山之谷也泉麻也怪石怪異之石也林氏曰怪石之貢誠為可疑意其必須以為器用之飾而有不關者非特貢其怪異之石以為玩好也萊夷顏師古曰萊山之夷齊有萊侯萊人即今萊州之地作牧者言可牧放東人以畜牧為生也屨山桑也山桑之絲其韌中琴瑟之絃蘇氏曰惟東萊為有此絲以之為繒其堅韌異常萊人謂之山爾

△浮干汶達干濟汶水出泰山郡萊蕪縣原南入濟在今鄆州中都縣也蓋淄水出萊蕪原山之陰東北而入海汶水出萊蕪原山之陽西南而入濟不言達河者因於充也

△海岱及淮惟徐州徐州之域東至海南至淮北至岱而西不言濟

者岱之陽齊東為徐岱之北濟東為青言濟不足以辨故略之也爾雅濟東曰徐州者商無青并青於徐也周禮正東曰青州者周無徐并徐於青也林氏曰一州之境必有四至七州皆止二至蓋以鄰州互見至此州獨載其三邊者止言海岱則嫌於青止言淮海則嫌於揚故必曰海岱及淮而後徐州之疆境始別也

△淮沂其又 淮沂二水名淮見導水會氏曰間始大其泛濫為患尤在於徐故淮之治於徐言之也沂水地志云出泰山郡蓋縣芝山今沂州沂水縣也南至于下邳西南而入于泗會氏曰徐州水以沂名者非一酈道元謂水出尼丘山西北徑魯之雩門亦謂之沂水水出太公武陽之冠石山亦謂之沂水而沂

△音釋云灑水名在魯地又云出東海郡沐音術周禮註水出東莞

△音釋云祝其屬東海郡左傳及漢志並無音助屬東海郡

△音釋云乘氏屬濟陰郡

水之大則出於泰山也又按徐之水有泗有汶有沐有灑而獨以淮沂言者周職方氏青州其川淮泗其浸沂沫周無徐州兼之於青周之青即禹之徐則徐之川莫大於淮淮又則自泗而下几為川者可知矣徐之浸莫大於沂沂又則自沫而下几為浸者可知矣
△蒙羽其藝 蒙羽二山名蒙山地志在泰山山羽山地志在東海郡祝其縣南今沂州費縣也海州朐山縣也藝者言可種藝也
△大野既豬 大野澤名地志在山陽郡鉅野縣比今濟州鉅野縣也鉅即大也水蓄而復流者謂之豬按水經濟水至乘氏縣分為二南為菏北為濟酈道元謂一水東南流一水東北流入鉅野澤則大野為濟之所絕其所聚也大矣何承天曰鉅野廣大

△咸平、宋第二主
真宗年号

△旁通云搏音團拍
也。埴時職反黏土也
出考工記又出老子
十一章埴始然反和
也

○易漸卦象曰山上有木漸

○詩小雅斯干篇云幽幽南山如竹苞矣

南導洙泗北連清濟徐之有濟於是乎見文
鄆州中都西南亦有野陂或皆大野之地也

△東原瓜平 晁氏曰東平自舌多水患數徙
其城咸平中又徙城於東南則其下濕可知
底平者水患已去而底於平也後人以其地
之平故謂之東平又按東原在徐之西北而
謂之東者以在濟東故也東平國在景帝亦
謂濟東國云益知大野東原所以志濟也

△厥土赤埴墳草木漸包 埴曰埴埴也
周有埴埴之工老氏言埴埴以爲器惟土性
黏膩細密故可埴可埴也漸進長也如易所
謂木漸言其日進於茂而不已也包叢生
也如詩所謂如竹苞矣言其叢生而積也

△厥田惟上中厥賦中中 田第一等也

△厥貢惟土五色羽畎夏翟曝陽孤桐泗濱
浮磬淮夷蠙珠暨魚厥篚玄纁編 雖赤而五
色之土亦間有之故制以爲貢周書作維曰
諸侯受命于周乃建大社于國中其饋東青
土南赤土西白土北驪土中史轡以黃土將
建諸侯鑿取其方面之土苞以黃土其以白
茅以爲土封故曰受削土于周室此貢土五
色意亦爲是用也羽畎羽山之谷也夏翟雉
具五色其羽中旌旄者也染人之職秋染夏
鄭氏曰染夏者染五色也林氏曰古之車服
器用以雉爲飾者多不袒旌旄也曾氏曰山
雉具五色出于羽山之畎則其名山以羽者

△旁通云周書作維
此汲冢周書第四十
八篇也下文本見度
邑篇古書以一篇
合爲一耳
○同孔晁云其方上
謂建東方諸侯以青
土也青覆草寒土封
封之爲社也
○染人見周禮天官

○詩大雅卷阿篇云
鳳凰鳴矣于彼高岡
梧桐生矣于彼朝陽

○音釋云根者字見
晁錯策師古云有根
著地也

以此歟。嶧山名。地志云。東海郡下邳縣西有
葛嶧山。古文以為嶧山。下邳今淮陽軍下邳
縣也。陽者山南也。孤桐特生之。桐其材中琴
瑟。詩曰。梧桐生矣。于彼朝陽。蓋草木之生。以
向日為貴也。泗水名。出魯國卞縣桃墟西北
陪尾山源。有泉四。四泉俱導。因以為名。西南
過彭城。又東南過下邳。入淮。卞縣今襲慶府
泗水縣也。濱水旁也。浮磬石露。水濱若浮於
水。然或曰非也。泗濱非必水中。泗水之旁近
浮者。石浮生土中。不根著者也。今下邳有石
磬山。或以為古取磬之地。曾氏曰。不謂之石
者。成聲而後真也。淮夷淮之夷也。蠙蚌之別
名也。暨及也。珠為服飾。魚用祭祀。今濠泗楚
皆貢淮白魚。亦古之遺制歟。夏翟之出于羽
畎。孤桐之生於嶧。陽浮磬之出於泗濱。珠魚
之出於淮夷。各有所產之地。非他處所有。故

○禮曰。禮記間傳篇也。及當作又。禮說文云。除服祭名也。

○記曰。王制及內則篇云。有虞氏。皇而祭深衣。而養老。夏后氏。收而祭燕衣。而養老。殷

人。昬而祭。縮衣而養老。周人。冕而祭。玄衣而養老。
○左傳。疏云。祭服玄
衣。纁裳。詩。亦玄衣。是
玄衣而裳。以衣龍。衣
之言。卷也。謂龍首卷
然。

○周禮。春官司服云。
士之齊服。有玄端。素
端。鄭司農云。玄衣有
纁裳者。為玄端。鄭玄
謂端。取其止也。

△音釋云。泚。沈水也。

○旁通云。泚。古濟字。

△音釋云。揚。唐張參
五經文字云。取輕揚。

詳其地。而使貢也。玄亦黑色幣也。武成曰。篚
厥玄黃。織編皆繪也。禮曰。及期而小祥。素編
麻衣。中月而禫。禫而織。記曰。有虞氏。編衣而
養老。則知織編皆繪之名也。曾氏曰。玄亦而
有黑色。以之為袞。所以祭也。以之為端。所以
齊也。以之為冠。以為首服也。黑經白緯。曰織。
織也。編也。皆去凶。
即吉之所服也。

△浮于淮。泗達于河。許慎曰。汲水受陳留浚

入于泗。則淮泗之可以達于河者。以濉至干
泗也。許慎又曰。泗受泚水。東入淮。蓋泗水至
太野。而合泚。然則泗之十
源自泚。亦可以通河也。

△淮海惟揚州。揚州之域。北至

之義俗從禾者非

○旁通云彭澤縣東東字誤地志作西

△音釋云夏小正木戴禮篇名

○旁通云夏小正夏時之書于夏傳

彭蠡既豬

江彭蠡地志在豫章郡彭澤縣東今軍三州之地所謂鄱陽湖都是也詳見導水

△陽鳥攸居

陽鳥隨陽之鳥謂鴈也今惟彭蠡洲渚之間千白為羣記陽鳥所居猶夏小正記鴈北鄉也言澤水既豬洲渚既平而禽鳥亦得其居止而遂其性也

△三江既入

唐仲初吳都賦註松江下七十里分流東北入海者為婁江東南流者為東江併松江為三江其地今亦名三江口吳越春秋所謂范蠡乘舟出三江之口者是也○又按蘇氏謂岷山之江為中江嶓家之江為北江豫章之江為南江即導水所謂東為北江東為中江者既有中北二江則豫章之江為南江可知今按此為三江若

可依據然江漢會於漢陽合流數百里至湖口而後與豫章江會又合流千餘里而後入海不復可指為三矣蘇氏知其說不通遂有味別之說禹之治水本為民去害豈如陸羽輩辨味烹茶為口腹計耶亦可見其說之窮矣以其說易以惑人故并及之或曰江漢之水揚州巨浸何以不書曰禹貢書法費疏鑿者雖小必記無施勞者雖大亦略江漢荆州而下安於故道無俟濬治故在不書况朝宗于海荆州固備言之是亦可以互見矣此正禹貢之書法也

△震澤底定

震澤太湖也禹職方揚州數曰具區地志在吳縣西南五十里今蘇州吳縣也曾氏曰震如三川震之震若今湖翻是也具區之水多震而難定故謂之

△旁通云三川震國語文

震澤底定者言底於定而不震蕩也。

△篠簜既敷厥草惟夭。厥木惟喬。厥土惟塗。

泥。篠箭竹簜。大竹郭璞曰。竹開節曰簜。敷。布也。水去竹已布生也。少長曰夭。喬高也。塗。

泥。水泉濕也。下地多水其土淖。

△厥田惟下下。厥賦下上錯。田第九等賦第七等雜出。

第六等也。言下上錯者以本設賦九等分爲三品。下上與中下異品。故變文言下上錯也。

△厥貢惟金三品。璫琨篠簜齒革羽毛惟木。

島夷卉服。厥篚織貝。厥包橘柚。錫貢。銀銅也。

△詩太雅公劉也

○音釋云英蕩周禮註盛節器也况似牛

一角青色重千斤梗木似豫章械器之終名

○旁通云吳都賦蕉葛升越弱於羅紈註云蕉葛布之細者升越越布之細者說文云葛締給草也韻會云越草名蒲屬葛越草布也

△浚于江海達于淮泗

順流而下曰浚。公江入海自海而入淮泗。

璫。昆。玉石名。詩曰。何以舟之。維玉及璫。與說文云。石之美似玉者取之。可以爲禮。哭。條。之材。中於矢之符。簜。之材。中於樂之管。簜。亦。爲符節。周官掌節有英蕩。象有齒屏。况有草。鳥有羽。獸有毛。木。梗。梓。豫。章。之屬。齒。革。可以成車。甲。羽。毛。可以爲旌。旄。木。可以備棟。宇。器。械。之用也。島夷。東南海島之夷。卉。草也。葛。越。木。綿。之屬。織。貝。錦。名。織。爲。貝。文。詩曰。貝。錦。是也。今南夷木綿之精好者。亦謂之吉貝。海島之夷。以卉服來貢。而織貝之精者。則入篚。焉。包。裹也。小曰橘。大曰柚。錫。者。必待錫命。而後貢。非歲貢之常也。張氏曰。必錫命。乃貢者。供祭祀。燕賓。客。則詔之。曰。腹之欲。則難於出。令也。

△寰宇記云昔吳王夫差將伐齊北霸中國自廣陵城東南築邢城城下掘深溝謂之邢江亦曰邢溝邢河于物

△旁通云掘而跡圖自江漢合流至海洋下五百餘里

不言達于河者因於徐也禹時江淮未通故公於海至吳始開邦溝隋人廣之而江淮舟船始通也孟子言排淮泗而注之江記者之誤也

△荆及衡陽淮荆州荆州之域北距南條荆各見導山唐孔氏曰荆州以衡山之陽為至者蓋南方惟衡山為大以衡陽言之見其地不止此山而猶包其南也

△江漢朝宗于海江漢見導水春見曰朝夏之名也江漢合流于荆去海尚遠然水道已安而無有壅塞橫決之患雖未至海而其勢已奔趨於海猶諸侯之朝宗于王也

△九江孔殷九江即今之洞庭也水經言九江在長沙下雋西北楚地記曰

△旁通云元水或名巫木又曰无水又名無水澠水無不聲之訛也今蔡傳作元亨之元者字之訛也

巴陵瀟湘之淵在九江之間今岳州巴陵縣即楚之巴陵漢之下雋也洞庭正在其西北則洞庭之為九江審矣今沅水漸水元水辰水敘水酉水澧水資水湘水皆合於洞庭意以是名九江也孔其殷正也九江水道甚得其正也○按漢志九江在廬江郡之尋陽縣尋陽記九江之名一曰烏江二曰鱗江三曰烏白江四曰嘉靡江五曰畎江六曰源江七曰廩江八曰提江九曰箇江今詳漢九江郡之尋陽乃禹貢揚州之境而唐孔氏又以爲九江之名起於近代未足爲據且九江派別取之耶亦必首尾短長大略均布然後可且之爲九然其一水之間當有一洲九江之間沙水相間乃爲十有七道而今尋陽之地將無所容况沙洲出沒其勢不常果可以爲地理之定名乎設使派別爲九則當曰九江既

△肅慎氏貢石於石事見國語

○董安于之治晉陽事見國語並戰國策

○音釋云蓋也楚廩與齊同以判為

○正義云束第立之祭前酒沃其上酒滲下若神飲之故謂之縮

○齊桓公責楚貢事見左傳僖公四年

○管子云江淮之間一茅而三春名曰菁茅見管子輕重子篇

先言羽毛者漢孔氏所謂善者為先也按職方氏揚州其利金錫荆州其利丹銀齒革則荆揚所產不無優劣矣柘栝栢三木名也柘木似樗而可為弓幹栝木栢葉松身礪砥皆磨石砥以細密為名礪以麤糲為稱柘者中矢鏃之用肅慎氏貢石柘者是也丹丹砂也籛籛竹名栝木皆可以為矢董安于之治晉陽也公宮之垣皆以荻蒿苦楚廩之其高丈餘趙襄子發而試之其堅則籛籛不能過也則籛籛蓋竹之堅者其材中矢之笥栝肅慎氏貢栝失者是也三邦未詳其地底致也致貢籛籛栝之有名者也廩匣也菁茅有刺而三春所以供祭祀縮酒之用既包而又匣之所以示敬也齊桓公責楚貢包茅不入王祭不供無以縮酒又管子云江淮之間一茅而三春名曰菁茅菁茅一物也孔氏謂菁以

○崑豹古今注云綬長一丈九尺九寸

○史記龜策傳云龜十歲滿尺二寸

○所謂國之中龜見左傳昭公五年註云言寶而藏守之也

為茲者非是今辰州麻陽縣苞茅山出苞茅有刺而三春練周禮染人夏練玄纁終色帶也玃珠不圓者組綬類太龜尺有二寸所謂國之守龜非可常得故不為常貢若偶得之則使之納錫於上謂之納錫者下與上之辭重其事也

△浮于江沱潛漢逾于洛至于南河江沱潛漢其水

道之出入不可詳而大勢則自江沱而入潛漢也逾越也漢與洛不通故舍舟而陸以達于洛自洛而至于南河也程氏曰不徑浮于漢兼用沱潛者隨其貢物所出之便或由經流或循枝派期於便事而已

△荆河惟豫州豫州之域西南至葉條荆山北距大河

△伊洛漚澗既入于河。伊水。山海經曰。熊耳山。伊水出焉。東北至洛陽縣南。北入于洛。郭璞云。熊耳在上洛縣南。今商州上洛縣也。地志言。伊水出弘農盧氏之熊耳者。非。是洛水。地志云。出弘農郡上洛縣冢領山。水經謂之。謹舉山。今商州洛南縣冢領山也。至鞏縣入河。今河南府鞏縣也。漚水。地志云。出河南郡穀城縣管亭北。今河南府河南縣西北有古穀城縣。其北山實漚水所出也。至偃師縣入洛。今河南府偃師縣也。澗水。地志云。出弘農郡新安縣東南入于洛。新安在今河南府新安縣之東。今澗池縣東二十三里。新安城是也。城東北有白石山。即澗水所出。酈道元云。世謂之廣陽山。然則澗水出今之澗池。至新安入洛也。伊漚澗水入于洛。而洛水入于河。此言伊洛漚澗

地圖載澗水今合漚水而入洛此後代際谷遷改非弗跡之舊也

△音釋云小大相敵伊水在洛南之東漚澗在洛北之西洛水極大伊水次之漚澗水小經言伊洛漚澗蓋自東南而西北以地形次第高之耳非謂大小相敵也又經文此言漚澗後導水章言澗漚則以洛水先會澗水後合漚水各以其次故立言有先後之殊小與大

入于河若四水不相合而各入河者。循漢入江。江入海。而荆州言江漢朝宗于海。意同。蓋四水並流。小大相敵。故也。詳見下文。

△榮波既豬。榮波。二水名。濟水自今孟州温縣入河。潛行絕河南。溢為榮。在之敖山也。按今濟水但入河。不復過河之南。榮。清水。受河水。水有石門。謂之榮口。石門也。鄭康成謂榮今塞為平地。榮陽民猶謂其處為榮澤。酈道元曰。禹塞淫水於榮陽。下引河東南。以通淮。泗。濟水。分河東南。南流。漢明帝使王景。即榮水。故瀆。東注。浚儀。謂之浚儀渠。漢志謂榮陽縣有。狼蕩渠。首受濟者。是也。南曰。狼蕩。北曰。浚儀。其實一也。波水。周職方。豫州。其川。榮。雒。其浸。波。澆。爾雅云。水自洛出。為波。山

書經卷三

十九

春秋衛侯及狄人戰于榮澤然則在春秋時許可以戰則已不復受河矣

海經曰。婁涿之山。波水出。其陰北流。注于穀。二說不同。未詳孰是。孔氏以榮波為一水者非也。

△導荷澤被孟豬荷澤地志在濟陰郡定陶縣東。今與仁府濟陰縣南

三里。其地有荷山。故名其澤為荷澤也。蓋濟水所經。水經謂南濟東過宛句縣南。又東過定陶縣南。又東北荷水東出焉。是也。被及也。孟豬爾雅作孟諸。地志在梁國睢陽縣東北。今南京虞城縣西北。孟諸澤是也。曾氏曰。被覆也。荷水衍溢導其餘波入于孟豬。不常入也。故曰被。

△厥土惟壤下土墳壚土不言色者其色雜也。壚疏也。顏氏曰。玄

而疏者謂之壚。其上有高下之不同。故別言其之。

△厥田惟中上厥賦錯上中田第四等。賦第一等。雜田第一等也。

△厥貢漆枲絺紵厥篚織纊錫貢磬錯林氏曰。周官載師漆枲之征。二十有五。周以為征。而此乃貢者。蓋漆枲在周為畿內。故載師掌其征。而不制貢。禹時豫在畿外。故有貢也。推此義則篚不言貢者可知。顏師占曰。織紵以為布及練。然經但言貢枲與紵。成布與未成布不可詳也。纊細綿也。磬錯治磬之錯也。非所常用之物。故非常貢。必待錫命而後納也。與揚州橘柚同。然揚州先言橘柚。而此先言錫貢者。橘柚言包。則於厥篚之文無嫌。故言錫貢。在後。磬錫則與厥篚之文嫌於相屬。故言錫貢在先。蓋立言之法也。

△周禮十三載師云。凡任地國宅無征園。廛二十而近郊十。一遠郊二十而二甸。稍縣都皆無過。十一。唯其漆枲之征二十。而五註云。漆枲之征二十。而五者上之。三。等為輕。近重。遠法此。漆枲。枲。枲。重。以其漆枲自然所生。非人力所種。故也。

言之法也。

△音釋云孔傳云東據華山之南西距黑水蓋以東境止於華陽西境之跨黑水地

△旁通云前子千反長下奚反道者出微之路縣之領義者名曰道如剛氏道平陰道嚴道棘道之類微吉兇及微猶塞也東北謂之塞西南謂之微

△浮于洛達于河豫州去帝都最近豫之東境徑自入河豫之西境則

△華陽黑水惟梁州梁州之境東距華山之南西據黑水華山即太華見導山黑水見導水

△岷嶓既藝岷嶓二山名岷山地志在蜀郡縣江水所出也晁氏曰蜀以山近江源者通為岷山連峯接岫重疊險阻不詳遠近青城天彭諸山之所環遠皆古之岷山青城乃其第一峯也嶓家山地志云在隴西郡氏道縣漾水所出又云在西縣今興元府西縣三泉縣也蓋嶓家一山跨于兩縣云川原既滌水

夫不滯而無泛溢之患其山已可種藝也

△沱潛既道此江漢別流之在梁州者沱水大江郫縣今成都府郫縣也又地志云蜀郡汶江縣江沱在西南東入江汶江縣今永唐軍導江縣也潛水地志云巴郡宕渠縣潛水西南入江宕渠今渠州流江縣也酈道元謂宕渠縣有大穴潛水入焉通置山下西南潛出南入于江又地志漢中郡安陽縣潛谷水出西南入漢潛音潛安陽縣今洋州真符縣也○又按梁州乃江漢之原此不志者岷之藝導江也嶓之藝導漾也道沱則江悉矣道潛則漢悉矣上志岷嶓下志沱潛江漢源流於是而見



△旁通云沫水史記
音沫漢書音本末之
末
○寰宇記云李冰以
秦時為蜀守

△音釋云嚴道屬蜀
郡復漢志音腹復漢
志音恒屬武陵郡

○旁通云恨山縣地
志云屬武陵郡孟康
曰恨山音恒

△**蔡蒙旅平** 蔡蒙二山名蔡山輿地記在今
衣縣今雅州名山縣也酈道元謂山上合下
開沫水逕其間溷崖水脉漂疾歷代為患蜀
郡太守李冰發卒鑿平溷崖則此二山在禹
為用功多也祭山曰旅旅
平者治功畢而祭也

△**和夷底績** 和夷地名嚴道以西有和川有
夷二水名和水今雅州榮經縣北和川水自
蠻界羅岳州東西來逕蒙山所謂青衣水而
入岷江者也夷水出巴郡魚復縣東南過恨
山縣南又東過夷道縣北東入于江今詳二
說皆未可必但經言底績者三覃懷原隰既
皆地名則此恐為地名或
地名因水亦不可知也

△周禮云一易之田
家二百畝再易之田
家二百畝一易者間
一歲耕百畝也再易
者間二歲耕百畝也

△**厥土青黎** 黎黑也

△**厥田惟下上厥賦下中三錯** 田第七等賦
第八等雜出

第七第九等也按賦雜出他等者或以為歲
有豐凶或以為戶有增減皆非也意者地力
有上下年分不同如周官田一易再易之類
故賦之等第亦有上下年分冀之正賦第一
等而間歲第二等也揚之正賦第七等而間
歲第六等也豫之正賦第八等而間歲第一
等也梁之正賦第八等而間歲出第七第九
等也當時必有條目詳具今不存矣書之所
載特凡例也若謂歲之豐凶戶之增減則
九州皆然何獨於冀揚豫梁四州言哉

△**厥貢璆鐵銀鏤帑磬熊羆狐狸織皮** 璆玉
鏤鐵

△史記云蜀卓氏即鐵山鼓鑄富至僮千人擬於人君程鄭亦治鑄富坪卓氏俱居臨邛

○旁通云羣昌附反獸毛之細者

○音釋云屬居例反織毛為布也

△音釋云西傾之人因棹水而來通中國也

○旁通云葭萌地志屬廣漢郡宋屬利州今為廣元路
○同云地志如淳曰沔陽人謂漢水為沔水師古曰漢上曰沔

柔鐵也。鑊剛鐵。可以刻鑊者也。磬石磬也。言鐵而先於銀者。鐵之利多於銀也。後世蜀之卓氏程氏以鐵冶富擬封君。則梁之利尤在於鐵也。織皮者。梁州之地。山林為多。獸之所走。熊羆狐狸。四獸之皮。製之。可以為裘。其羣毛織之。可以為屬也。○林氏曰。徐州貢浮磬。此州既貢玉磬。又貢石磬。豫州又貢磬。銘以此。觀之。則知當時樂器磬最為重。豈非以其聲角而在清濁小大之間。最難得其和者哉。

△西傾因桓是來。浮于潛。逾于沔。入于渭。亂

于河。西傾山名。地志在隴西郡臨洮縣。西今洮州臨潭縣。西南桓水名。水經曰。西傾之南。桓水出焉。蘇氏曰。漢始出為漾。東南流為沔。至漢中東行。為漢沔。酈道元曰。自西傾而至葭萌。浮于西漢。西漢即潛水也。自西漢

○漢武帝時 事見 史記河渠書

○音釋云褒斜秦谷口地名南曰褒北曰斜清水運也

△音釋云孔傳云西距黑水東據河蔡傳揚置二字以河之東即冀州也餘見梁州

溯流而屈于晉壽界。阻漾枝津。南歷岡北。迤邐接漢沔。歷漢川。至于褒水。逾褒而暨于嶺。嶺之南溪。灌于斜川。屈于武功。而北以入于渭。漢武帝時。人有上書欲通褒斜道。及清惠下。張湯問之。云褒水通沔。斜水通渭。皆可以漕。從南陽上沔入褒。褒絕水。至斜。間百餘里。以車轉。從斜下渭。如此。則漢中穀可致。經言沔渭而不言褒斜者。因大以見小也。褒斜之間。絕水百餘里。故曰逾。然於經文則當曰逾于渭。今日逾于沔。此又未可曉也。絕河而渡曰亂。

△黑水西河惟雍州。雍州之域。西據黑水。東

冀都而言也。△弱水既西。柳宗元曰。西海之山有水焉。散渙無力。不能負芥。投之則委靡。

△旁通云柔然即蠕蠕事見通鑑宋文帝元嘉六年

○北史載出蠕蠕傳云苑園水去平城三千七百餘里東至瀚海西接張掖水北度燕然山東西五千餘里南北三千餘里
○音釋云吐谷渾西北夷名

△漢書作开頭山寰宇記作并頭山史記作雞頭

華沒及底而後止故名曰弱既西者導之西流也地志云在張掖郡刪丹縣薛氏曰弱水出吐谷渾界窮石山自刪丹西至合黎山與張掖縣河合又按通鑑魏太武擊柔然至粟水西行至苑園水分軍搜討又循弱水西行至涿邪山則弱水在苑園水之西涿邪山之東矣北史載太武至苑園水分軍搜討東至瀚海西接張掖水北度燕然山與通鑑小異豈瀚海張掖水於弱水為近乎程氏據西域傳以弱水為在條支援引甚悉然長安西行一萬二千二百里又百餘日方至條支其去雍州如此之遠禹豈應窮荒而導其流也哉其說非是

△涇屬渭水 涇渭水名涇水地志出安定郡涇陽縣西今原州百泉縣岍頭山也東南南至馬翊陽陵縣入渭今未與

○音釋云渭水先會涇水後入渭水則經當言涇屬渭不當先渭而後渭况下文更有渭水字不可異釋當從孔傳水北曰渭

○詩大雅公劉之詩云止旅廼密芮鞠之即註云芮水名鞠水外也

軍高陵縣也渭水地志出隴西郡首陽縣西南今渭州渭源縣鳥鼠山西北南谷山也東至京兆船司空縣入河今華州華陰縣也渭水地志作芮扶風岍縣弦蒲藪芮水出其西北東入涇今隴州汧源縣弦蒲藪有渭水馬周職方雍州其川涇水詩曰渭水之即皆謂是也屬連屬也涇水連屬渭水也

△漆沮既從 漆沮二水名寰宇記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也寰宇記沮水自坊州昇平縣北子午嶺出俗號子午水下合榆谷慈馬等川遂為沮水至耀州華原縣合漆水至同州朝邑縣東南入渭二水相敵故並言之既從者從於渭也又按地志謂漆水出扶風

△音釋云澧水南注之叙水之例如言南入于江東入于海皆指水所趨之方而言此云澧水南注之涇水北注之漆沮東北注之乃指水所自之方而言按道水章孔傳云澧水自南涇水自北而合加一自字則於義明矣澧水在渭南涇漆沮在渭北

縣晁氏曰此函之漆也水經漆水出扶風杜陽縣程氏曰杜陽今岐山普潤縣之地亦漢漆縣之境其水入渭在澧水之上與經序渭水節次不合非禹貢之漆水也
△澧水攸同 澧水地志作豐出扶風鄠縣終咸陽縣入渭同者同於渭也渭水自鳥鼠而東澧水南注之涇水北注之漆沮東北注之皆主渭而言也

△荆岐既旅終南惇物至于鳥鼠 荆岐二山北條之荆地志在馮翊懷德縣南今耀州富平縣掘陵原也岐山地志在扶風美陽縣西北今鳳翔府岐山縣東北十里也終南惇物鳥鼠亦皆山名終南地志古文以太一山為

△旁通云地志古文古文者班固時古地理書也班固引之故稱古文

△詩大雅公劉篇

○旁通云休屠澤故匈奴休屠王地也古今嘗作古文

△輿地要覽云三危山有三名俗名曷甫山後漢西羌傳註亦

終南山在扶風武功縣今未與軍萬年縣南五十里也惇物地志古文以垂山為惇物在扶風武功縣今未與軍武功縣也鳥鼠地志在隴西郡首陽縣西南今渭州渭源縣西也俗呼為青雀山舉三山而不言所治者蒙上既旅之文也

△原隰既績至于豬野 廣平曰原下濕曰隰此也鄭氏曰其地在函今邠州也豬野地志云武威縣東北有休屠澤古今以為豬野今涼州姑臧縣也治水成功自高而下故先言山次原隰次陂澤也

△三危既宅三苗丕敘 三危即舜竄三苗之地或以為燉煌未詳其地三苗之竄在洪水未平之前及是三危已既可居三苗於是有功敘今按舜竄三

云三危在沙州
○音釋云燉煌郡名
屬涼州後漢西羌傳
註三危山在今沙州
燉煌縣東南山有三
峯故曰三危嶺音送
爾方變洞人也

△爾雅註云琅玕狀
似珠山海經曰崑崙
山有琅玕樹註琅玕
子似玉
○爾雅疏云帝之下都昆侖之虛方八百里則崑崙山也虛音墟

△旁通云宋神宗改
鎮洮軍為熙州以熙
河洮岷州通遠軍為
一路○會川在長安
之西北一千一百九
十里
○小河鹹水其地生
鹽去州一百二十里

苗以其惡之尤甚者遷之而立其次者於舊
都今既窳者已不敘而居於舊都者尚桀驁
不服蓋三苗舊都山川險阻氣習使然今湖
南遙洞時猶竊發作而詢
之多為猶姓豈其遺種歟

△厥上惟黃壤黃者土之正色林氏曰物得
其常性者最貴雍州之土黃
壤故其田非
他州所及

△厥田惟上上厥賦中下田第十一等而賦第
六等者地狹而人
功少
也

△厥貢惟球琳琅玕球琳美玉也琅玕石之
美者有崑崙虛之球琳琅玕今南海有青琅
玕似玉

△浮于積石至于龍門西河會于渭汭積石
地志
在金城郡河關縣西南羌中今鄯州龍支縣
界也龍門山地志在馮翊夏陽縣今河中府
龍門縣也西河冀之西河也雍之貢道有二
其東北境則自積石至于西河其西南境則
會于渭汭言渭汭不言河者蒙梁州之文也
他州貢賦亦當不止一道發此例以互見耳
○按邢恕奏乞下熙河路打造船五百隻於
黃河順流放下至會州西小河南藏放熙河
路漕使李復奏竊知邢恕欲用此船載兵順
流而下去取興州契勘會州之西小河鹹水
其闊不及一丈深止於一二尺豈能載船黃
河過會州入葦精山石峽險窄自上垂流直

玕珊瑚
屬也

○音釋云卷西戎種也。部西域國名。因為州名。邢恕字和叔。鄭州人。李復字履中。閩人。

下高數十丈。船豈可過。至西矢州之東。大河分爲六七道。散流渭之南山。逆流數十里。方再合。逆溜水淺。難積。不勝舟載。此聲若出。必爲夏國侮笑。事遂寢。邢恕之策如李復之言。可謂謬矣。然此言貢賦之路。亦曰浮于積石。至于龍門。西河則古來此處河道。固通舟楫。矣。而復之言。乃如此。何也。姑錄之。以備參考云。

△織皮崑崙析支渠搜西戎即敘崑崙崑崙即河

臨羌析支。在河關西千餘里。渠搜水經曰。河自朔方東轉。經渠搜縣。故城北。蓋近朔方之地也。三國皆貢皮衣。故以織皮冠之。皆西方戎落。故以西戎總之。即就也。雍州水土既平。而餘功及於西戎。故附于末。○蘇氏曰。青徐揚三州。皆萊夷淮夷島夷所籠。此三國亦籠。

△音釋云臨羌縣名。屬金城郡。落居也。梁州亦籠織皮。按此經文。無籠字。梁州亦無籠字。今言籠者。似因揚州厥籠織皮。而例之耳。然籠者。籠也。故可入籠。若獸皮毛。屬非。可入籠者。梁州織皮。但在厥貢之下。別無厥籠之文。是梁州一州自無入籠之貢也。

不可以織皮爲梁州之籠。又此三國叙在章末。貢道之後。與萊夷淮夷島夷之例不同。而織皮二字。又冠國名之上。恐但記此三國以織皮爲俗耳。

織皮。但古語有顛倒詳略爾。其文當在厥貢。惟球琳琅玕之下。浮于積石之上。簡編脫誤。不可不正。愚謂梁州亦籠織皮。恐蘇氏之說爲然。

△導岍及岐至于荆山逾于河壺口雷首至于

于太岳底柱析城至于王屋太行恒山至于

碣石入于海此下隨山也。岍岐荆三山皆雍

山。古文以爲沂山。今隴州吳山縣崇嶽山也。周禮雍州山鎮曰嶽山。又按寰宇記。隴州岍源有岍山。岍水所出。禹貢所謂岍山也。晁氏以爲今之隴山。天井金門秦嶺山者。皆古之岍也。岐荆見雍州壺口雷首太岳底柱析城王屋太行恒山皆冀州山壺口太岳碣石見

△自此導山也

△寰宇記云禹理洪
水山陵當水若破之
以通河三穿既决河
出其間有似門故俗
号三門

冀州雷首地志在河東郡蒲坂縣南今河中
府河東縣也底柱石在大河之中流其形如柱
今陝州陝縣三門山是也析城地志在河東
郡濩澤縣西今澤州陽城縣也晁氏曰山峯
四面如城王屋地志在河東郡垣縣東北今
絳州垣曲縣也晁氏曰山狀如屋太行山地
志在河內郡山陽縣西北今懷州河內也恒
山地志在常山郡上曲陽縣西北今定州曲
陽也逾者禹自荆山而過于河也孔氏以為
荆山之脉逾河而為壺口雷首者非是蓋禹
之治水隨山刊木其所表識諸山之名必其
高大可以辨疆域廣博可以奠民居故謹而
書之以見其施功之次第初非有意推其脉
絡之所自來若今之葬法所言也若必實以
山脉言之則尤見其說之謬妄蓋河北諸山
根本春脉皆自代北寰武嵐憲諸州乘高而

○音釋云漢志河東郡濩澤縣師古音鳥號反嵐盧含反州有奇嵐山故名桑乾音于河
名出幽州沈音贊沁山鳩反水名出上黨潞音路水名冀州浸也

○旁通云王鄭有一條四列之名 王蕭鄭玄也王以岍岐至碣石為北條西傾至陪尾
為中條嶓冢至敷淺原為南條鄭以岍岐為正陰列西傾為次陰列嶓冢為次陽列岍山
為正陽列

○音釋云三條四列
馬融王肅云道汎北
條西傾中條嶓冢南
條鄭玄云道岍正陰
列西傾次陰列嶓冢
次陽列岍山正陽列

來其春以西之水則西流以入龍門西河之
上流其春以東之水則東流而為桑乾幽冀
以入于海其西一支為壺口太岳次一支包
汾晉之源而南出以為析城王屋而又西折
以為雷首又次一支乃為太行又次一支乃
為恒山其間各隔沁路諸川不相連屬豈自
岍岐跨河而為是諸山哉山之經理者已附
于逐州之下於此又條列而詳記之而山之
經緯皆可見矣王鄭有三條四列之名皆為
未當今據道字分之以為南北二條而江河
以為之紀於二之中又分為一
焉此北條大河北境之山也

△西傾朱圉鳥鼠至于太華熊耳外方桐栢
至于陪尾 西傾朱圉鳥鼠太華雍州山也熊
耳外方桐栢陪尾豫州山也西傾

△旁通云崇古崇字
地志云是為中岳

見梁州朱圉地志在天水郡冀縣南今秦州
大潭縣也俗呼為白巖山鳥鼠見雍州太華
地志在京兆華陰縣南今華州華陰縣二十
里也熊耳在商州上洛縣詳見豫州外方地
志潁川郡密高縣有崇高山古文以為外方
在今西京登封縣也桐栢地志在南陽郡平
氏縣東南今唐州桐栢縣也陪尾地志江夏
郡安陸縣東北有橫尾山古文以為陪尾今
安州安陸也西傾不言導者蒙導峴
之文也此北條大河南境之山也

△導嶓冢至于荆山內方至于大別嶓冢即梁州之

嶓也山形如冢故謂之嶓冢詳見梁州荆山
南條荆山地志在南郡臨沮縣北今襄陽府
南漳縣也內方大別亦山名內方地志章山
古文以為內方山在江夏郡竟陵縣東北今

△左傳定公四年有此事

荆門軍長林縣也左傳吳與楚戰楚濟漢而
陳自小別至于大別蓋近漢之山今漢陽軍
漢陽縣北大別山是也地志水經云在
安豐者非是此南條江漢北境之山也

△岷山之陽至于衡山過九江至于敷淺原三

△音釋云傳易山漢
志師古云傳音敷易
古陽字

岷山見梁州衡山南嶽也地志在長沙國湘
南縣今潭州衡山縣也九江見荆州敷淺原
地志云豫章郡歷陵縣南有博陽山古文以
為敷淺原今江州德安縣博陽山也晁氏以
為在鄱陽者非是今按晁氏以鄱陽有博陽
山又有歷陵山為應地志歷陵縣之名然鄱
陽漢舊縣地不應又為歷陵縣山名偶同不
足據也江州德安雖為近之然所謂敷淺原
者其山其小而卑亦未見其為在所表見者
惟廬阜在大江彭蠡之交最高且大宜所賞

△身此導水也

紀志者而皆無考據恐山川之名古今或異而傳者未必得其真也姑俟知者過經過也與導研逾于河之義同孔氏以為衡山之脉連延而為敷淺原者亦非是蓋岷山之脉其北一支為衡山而盡於洞庭之西其南一支度桂嶺北經袁筠之地至德安所謂敷淺原者二支之間湘水間斷衡山在湘水西南敷淺原在湘水東北其非衡山之脉連延過九江而為敷淺原者明甚且其山川嶺峯源流具在眼前而古今異說如此况殘山斷港歷數千百年者尚何自取信哉岷山不言導者蒙道潘家之文也此南條江漢南境之山也

△導弱水至于合黎餘波入于流沙

此下清

水見雍州合黎山名隋地志在張掖縣西北亦名羌谷流沙杜佑云在沙州西八十里其

○旁通云周易先天卦位艮西北兌東南故水聚東南而尾西北山聚西北而尾東南所謂山澤通氣也

△旁通云浩字字書所無也程氏禹貢圖皆作瀟瀟恐蔡傳誤書言為三點瀟從程本
○音釋云浩音若此字但見丁度集韻他韻並不收

沙隨風流行故曰流沙水之疏導者已附于逐州之下於此又派別而詳記之而水之經緯皆可見矣濟川之功自隨山始故導水次於導山也又按山水皆原於西北故禹敘山敘水皆自西北而東南導山則先岷岐導水則先弱水也

△導黑水至于三危入于南海

黑水地志出

縣汾關山水經出張掖雞山南至燉煌過三危山南流入于南海唐樊綽云西夷之水南流入于南海者凡四曰區江曰西珥河曰麗水曰瀟瀟皆入于南海其曰麗水者即古之黑水也三危山臨時其上按梁雍二州西邊皆以黑水為界是黑水自雍之西北而直出梁之西南也中國山勢隔春大抵皆自西北而來積石西傾岷山隔春以東之水既入

○同云葉榆漢志益州郡有葉榆澤師古云葉音戈涉及滇音顛西南夷地名亦國名雋音髓水名漢武帝置越雋郡言此水也

○北史云宕昌者其先蓋三苗之胤其地東接中華西通西域南北數千里

干河漢岷江其岡脊以西之水即為黑水而入于南海地志水經樊氏之說雖未詳的實要其狹小不足為界其所稱西洱河者却與漢志葉榆澤相貫廣處可二百里既足以界別二州其流又正趨南海又漢滇池即葉榆之地武帝初開滇雋時其地古有黑水舊祠夷人不知載籍必不能附會而綽及道元皆謂此澤以榆葉所積得名則其水之黑似榆葉積漬所成且其地乃在蜀之正西又東北距宕昌不遠宕昌即三苗種裔與三苗之敘于三危者又為相應其證驗莫此之明也

△導河積石至于龍門南至華陰東至于底柱又東至于孟津東過洛汭至于大伾北

過洛水至于大陸又北播為九河同為逆河入于海積石龍門見雍州華陰華山之北也底柱見導山孟地名津渡處也杜預云在河內郡河陽縣南今孟州河陽縣也武王師渡孟津者即此今亦名官田平津洛汭洛水交流之內在今河南府鞏縣之東洛之入河實在東南河則自西而東過之故曰東過洛汭太伾孔氏曰山再成曰伾張揖以為在成臯鄭玄以為在脩武武德臣瓚以為脩武武德無此山成臯山又不再成今通利軍黎陽縣臨河有山蓋太伾也按黎陽山在大河垂欲趨北之地故禹記之若成臯之山既非從東折北之地又無險礙如龍門底柱之須疏鑿西去洛汭既已大近東距洛水太陸又為絕遠當以黎陽者為是洛水地志在

△旁通云張揖鄭玄臣瓚云此皆據爾雅疏文又本漢書註文
○爾雅疏云山上更有山重累者名伾
○音釋云脩武武德二縣名並屬河內郡臣瓚註漢書人名不知其姓故但稱臣瓚或云姓薛

○音釋云于闐西域

信都縣今冀州信都縣枯涿渠也程氏曰周時河徙於磧至漢又改向頓丘東南流與禹河迹大相背戾地志魏郡鄴縣有故大河在東北直達于海疑即禹之故河孟康以為王莽河非也古涿瀆自唐貝州經城北入南宮貫穿信都大抵北向而入故河於信都之北為合北過涿水之文當以信都者為是大陸見冀州九河見兖州逆河意以海水逆潮而復有矣九河既淪于海則逆河在其下流固不復有矣河上播而為九下同而為一其分播合同皆水勢之自然禹特順而導之耳今按漢西域傳張騫所窮河源云河有兩源一出葱嶺一出于闐于闐在南山下其河北流與葱嶺河合東注蒲昌海蒲昌海一名鹽澤去玉門陽關三百餘里其水停居冬夏不增減潛行地中南出積石又唐長慶中薛元鼎使

○旁通云水高於地故為隄以障之隄壞則河決此所以有水患也

吐蕃自隴西成紀縣西南出塞二千餘里得河源於莫賀延積尾曰悶磨黎山其山中高四下所謂崑崙也東北流與積石河相連河源澄瑩冬春可涉下稍合流色赤益遠他水并注遂濁吐蕃亦自言崑崙在其國西南二說恐薛氏為是河自積石三千里而後至于龍門經但一書積石不言方向荒遠在所略也龍門而下因其所經記其自北而南則曰南至華陰記其自南而東則曰東至砥柱又詳記其東向所經之地則曰孟津曰洛汭曰大伾又記其自東而北則曰北過涿水又詳記其北向所經之地則曰太陸曰九河又記其入海之處則曰逆河自洛汭而上河行於山其地皆可攷自大伾而下垠岸高於平地故決齧流移水陸變遷而涿水大陸九河逆河皆難指實然上求大伾下得碣石因其方

○同云唐張仁愿所築唐神龍三年置在雲中之地有東西中三城今皆廢

○音釋云罽離齒不相值也

向辨其故迹則猶可考也其詳悉見上文○又按李復云同州韓城北有安國嶺東西四十餘里東臨大河瀕河有禹廟在山斷河出處禹鑿龍門起於唐張仁愿所築東受降城之東自北而南至此山盡兩岸石壁峭立大河盤東於山峽間千數百里至此山開岸闊豁然奔放怒氣噴風聲如萬雷今按舊說禹鑿龍門而不詳其所以鑿誦說相傳但謂因舊修闢去其細齒以決水勢而已今詳此說則謂受降以東至於龍門皆是禹新開鑿若果如此則禹未鑿時河之故道不知却在何處而李氏之學極博不知此說又何所考也

△嶓冢導漾東流為漢又東為滄浪之水過三滋至于大別南入于江東匯澤為彭蠡東

△常璩萬姓統譜云晉常璩撰華陽國志十二卷漢義書十卷

○寰宇記云滄浪水在均州鄖鄉縣即漁父掉歌處

○音釋云漳澨見昭公四年遺澨見昭公二十二年

為北江入于海漾水名

水經曰漾水出隴西

常璩曰漢水有兩源此東源也即禹貢所謂嶓冢導漾者其西源出隴西嶓冢山會泉始源曰沔逕葭萌入漢東源在今西縣之西西源在今三泉縣之東也酈道元謂東西兩川俱出嶓冢而同為漢水者是也水源發于嶓冢為漾至武都為漢又東流為滄浪之水酈道元云武都縣北四十里漢水中有州曰滄浪洲水曰滄浪水是也蓋水之經歷隨地得名謂之為者明非他水也三澨水名今郢州長壽縣磨石山發源東南流者名澨水至復州景陵縣界來又名汶水疑即三澨之一然據左傳漳澨遺澨則為水際未可曉也大別見導山入江在今漢陽軍漢陽縣匯也彭蠡見揚州北江未詳入海在今通州靜海縣

音釋云顛以章貢
二水合流名州

○今按彭蠡古今記載皆謂今之番陽然其
澤在江之南去漢水入江之處已七百餘里
所蓄之水則合饒信徽撫吉贛南安建昌臨
江袁筠隆興南康數州之流非自漢入而為
匯者又其入江之處西則廬阜東則湖口皆
石山峙立水道狹甚不應漢水入江之後七
百餘里乃橫截而南入于番陽又橫截而北
流為北江且番陽合數州之流豬而為澤泛
溢壅遏初無仰於江漢之匯而後成也不惟
無所仰於江漢而眾流之積日過日高勢亦
不復容江漢之來入矣今湖口橫渡之處其
北見江漢之濁流其南則番陽之清漲不見
所謂漢水匯澤而為彭蠡者番陽之水既出
湖口則依南岸與大江相持以東又不見所
謂橫截而為北江者又以經文考之則今之
彭蠡既在大江之南於經則宜曰南匯彭蠡

不應曰東匯於導江則宜曰南匯于匯不應
曰北會于匯匯既在南於經則宜曰北為北
江不應曰東為北江以今地望參校經為反
戾今廬江之北有所謂巢湖者湖大而源淺
每歲四五月間蜀嶺雪消大江泛溢之時水
淤入湖至七八月大江水落湖水方洩隨江
以東為合東匯北匯之文然番陽之湖方五
六百里不應舍此而錄彼記其小而遺其大
也蓋嘗以事理情勢考之洪水之患惟河為
甚意當時龍門九江等處事急民困勢重役
煩禹親蒞而身督之若江淮則地偏水急不
待疏鑿固已通行或分遣官屬往視亦可况
洞庭彭蠡之間乃三苗所居水澤山林深昧
不測彼方負其險阻顧不即工則官屬之往
者亦未必遽敢深入是以但知彭蠡之為澤
而不知其非漢水所匯但意如巢湖江水之

音釋云巢本作澤
廣韻音于小反漢書
註在廬江合肥縣

淤而不知彭蠡之源為甚衆也。以此致誤謂之為匯。謂之北江。無足怪者。然則番陽之為彭蠡信矣。

△岷山導江東別為沱又東至于澧過九江

至于東陵東也北會為匯東為中江入于海

沱江之別流於梁者也。澧水名。水經出武陵充縣西至長沙下雋縣西北入江。鄭氏日經言道言會者水也。言至者或山或澤也。澧宜山澤之名。按下文九江澧水既與其別非水明矣。九江見荆州東陵巴陵也。今岳州巴陵縣也。地志在廬江西北。有非是會匯中江見上章。

△導沅水東流為濟入于河溢為滎東出于

陶丘北又東至于荷又東北會于汶又北東

入于海沈水濟水也發源為沅既東為濟地

△音釋云温縣屬河內郡
○旁通云號公臺在孟州温縣俗名賀濟臺
○爾雅疏云丘形上有兩丘相重累者名陶丘

○音釋云李賢高宗章懷太子註後漢書濟州以濟臺得名秦東郡也

東南今絳州垣曲縣山也始發源王屋山東崖下曰沅水既見而伏東出於今孟州濟源縣二源東源周廻七百步其深不測西源周廻六百八十步其深一丈合流至温縣是為濟水歷號公臺西南入于河溢滿也復出河之南溢而為滎滎即滎波之滎見豫州又東出於陶丘北陶丘地名再成曰陶在今廣濟軍西又東至于荷荷即荷澤亦見豫州謂之至者濟陰縣自有荷派濟流至其地爾汶北汶也見青州又東北至于東平府壽張縣安民亭合汶水至今青州博興縣入海唐李賢謂濟自鄭以東貫滑曹鄆濟齊青以入于

○音釋云按孔傳云濟水入河並流十數里而南截河又並流數里溢為滎澤在敖倉東南孔疏云以濟清河濁辨之也孔傳并載詩悉必其當時所見如此

海本朝樂史謂今東平濟南淄川北海界中有水流入海謂之清河酈道元謂濟水當王莽之世川瀆枯竭其後水流逕通津渠勢敗尋梁脉水不與昔同然則滎澤濟河雖枯而濟水未嘗絕流也程氏曰滎水之為濟本無他義濟之入河適會河滿溢出南岸溢出者非濟水因濟而溢故再還以元名命之按程氏言溢之一字固為有理然出於河南者既非濟水則禹不應以河枝流而冒稱為濟蓋溢者指滎而言非指河也且河濁而滎清則滎之水非河之溢明矣况經所書單立導流條例若斷若續而實有源流或見或伏而脈絡可考先儒皆以濟水性下勁疾故能入河穴地流注顯伏南豐曾氏齊州二堂記云泰山之北與齊之東南諸谷之水西北匯于黑水之灣又西北匯于相崖之灣而至于渴馬

○音釋云泊安靜也踰突上音利足擊聲下陀沒反

○春秋桓公十八年會齊侯于濼註云水出濟南歷城縣西北入濟陸音盧篤反又力各反又音洛

之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉湧出高或致數尺其旁之人名之曰踰突之泉齊人皆謂當有棄糠於黑水之灣者而見之於此蓋泉自渴馬之崖潛流地中而至此復出也其注而北則謂之濼水達于清河以入于海舟之通於濟者皆於是乎達也齊多甘泉其顯名者十數而色味皆同以余驗之蓋皆濼水之旁出者也然則水之伏流地中固多有之奚獨於滎澤疑哉吳興沈氏亦言古說濟水伏流地中今歷下凡發地皆是流水世謂濟水經過其下東阿亦濟所經取其井水煮膠謂之阿膠用攪濁水則清人服之入膈疏痰蓋其水性趨下清而重故也濟水伏流絕河乃其物性之常事理之著者程氏非之顧弗深考耳

△導淮自桐栢東會于泗沂東入于海水經云淮水出南陽平氏縣胎簪山禹只自桐栢導之耳桐栢見導山泗沂見徐州沂入于泗泗入于淮此言會者以三水相敵故也入海在今淮浦

△導渭自鳥鼠同穴東會于澧又東會于涇又東過漆沮入于河同穴山名地志云鳥鼠山者同穴之枝山也餘並見雍州孔氏曰鳥鼠共為雌雄同穴而處其說怪誕不經不足信也酈道元云渭水出南谷山在鳥鼠山西北禹只自鳥鼠同穴導之耳

△導洛自熊耳東北會于澗瀍又東會于伊

△音釋云盧氏縣名屬弘農郡

△音釋云隕於大於倒二反隕厓也

又東北入于河熊耳盧氏之熊耳也餘並見熊耳導之耳○按經言嶧家導漾岷山導江者漾之源出於嶧江之源出於岷故先言山而後言水也言導河積石導淮自桐栢導渭自鳥鼠同穴導洛自熊耳皆非出於其山特自其山以導之耳故先言水而後言山也河不言自者河源多伏流積石其見處故言積石而不言自也沈水不言山者沈水伏流其出非一故不誌其源也弱水黑水不言山者九州之外蓋略之也小水合大水謂之入大水合小水謂之過三水勢均相入謂之會天下之水莫大於河故於河不言會此禹貢立言之法也

△九州攸同四隕既宅九山刊旅九川滌源

○音釋云棧斫木也

九澤既陂四海會同隩隈也李氏曰隩內近
離沮會同同義四海之隩水涯之地已可奠
居九州之山棧木通道已可祭告九州之川
澹滌泉源而無壅遏九州之澤已有陂障而
無決潰四海之水無不會同而各有所歸此
蓋總結上文言九州四海水土無不平治也

△六府孔修庶土交正底慎財賦咸則三壤
成賦中邦孔大也水火金木土穀皆大修治
特穀上也庶土有等當以肥瘠高下名物交
相正焉以任土事底致也因庶土所出之財
而致謹其財賦之入如周大司徒以土宜之
法辨十有二土之名物以任土事之類咸皆
也則品節之也九州穀土又皆品節之以上

△旁通云周禮註云
十二土分野十二邦
各有所宜也
○同云致當作教註
云壤亦土也以萬物
自生則言土以人所
耕而樹藝則言壤
○音釋云土宜同禮註十一邦七各有所宜也壤亦土也壤言取

△左傳隱公八年云天子建德因生以賜姓昨之土而命之氏註云天子立看德以為諸
侯因其所由生以賜姓若舜由媯汭而生以陳為媯姓報之以土地因其所封名為之
族氏若胡公封於陳命曰陳氏也

○音釋云昨存故反
說文云祭福肉也昨
之土者言分太社之
土以與諸侯如分祭
肉也

中下三等如周大司徒辨十有二壤之名物
以致稼穡之類中邦中國也蓋土賦或及於
四夷而田賦則止於中
國而已故曰成賦中邦
△錫土姓錫土姓者言錫之土以立國錫之
姓以賜姓昨之土
而命之氏者也

△祗台德先不距朕行合我距違也禹平水
上定土賦建諸侯治
已定功已成矣當此之時惟敬德以先
天下則天下自不能違越我之所行也

△五百里甸服百里賦納總二百里納銓二
百里納結服四百里粟五百里米甸服畿內
之地也甸

△自此五服也
○音釋云總字當作
總禾聚束也銓說文

穫禾短錄也以鉦穫禾即以充賦因謂之鉦小爾雅云禾穗謂之穎截穎謂之鉦

○通考云蘇氏曰獨言甸服之賦內詳王賦之法而諸侯可推也

△音釋云漢刑法志註采官也因官食地故曰采此言天子之卿大夫也

田服事也以皆田賦之事故謂之甸服五百里者王城之外四面皆五百里也禾木全曰總刈禾曰鉦半藁也半藁去皮曰秸謂之服者三百里內去王城為近非惟納總鉦秸而又使之服輸將之事也獨於結言之者總前二者而言也粟穀也內百里為最近故并禾本總賦之外百里次之只刈禾半藁納也外百里又次之去藁麤皮納也外百里為遠去其穗而納穀外百里為尤遠去其穀而納米蓋量其地之遠近而為納賦之輕重精麤也此分甸服五百里而為五等者也

△五百里侯服百里采二百里男邦三百里

諸侯侯服者侯國之服甸服外四面又各五百里也采者卿大夫邑地男邦男爵小國也諸侯諸侯之爵大國次國也先小國而

後大國者大可以禦外侮小得以安內附也此分侯服五百里而為三等也

△五百里綏服二百里揆文教二百里奮武

衛綏安也謂之綏者漸遠王畿而取撫安之義侯服外四面又各五百里也揆度也綏服內取王城千里外取荒服千里介於內外之間故以內三百里揆文教外二百里奮武衛文以治內武以治外聖人所以嚴華夏之辨者如此此分綏服五百里而為二等也

△五百里要服二百里夷二百里蔡

要服去王畿三百里遠皆夷狄之地其文法略於中國謂之要者取要約之義特羈縻之而已綏服外四面又各五百里也蔡放也左傳云蔡蔡叔是也流放罪人於此也此分要服五百里而為二等也

△音釋云介間廝也廣書介居河北

△左傳定公四年云殺管叔而蔡蔡叔社註云蔡放也

△音釋云涿竹魚反
上谷郡有涿鹿山因
以名州易夷益反因
承名州藉慈夜反猶
言借也閩音民東兩
越地

△五百里荒服三百里蠻二百里流

遠而經略之者視要服為尤略也以其荒野
故謂之荒服要服外四面又名五百里也流
流放罪人之地蔡與流皆所以處罪人而罪
有輕重故地有遠近之別也此分荒服五百
里而為二等也○今按每服五百里五服則
二千五百里南北東西相距五千里故益稷
篇言弼成五服至于五千然堯都冀州冀之
北境并雲中涿易亦恐無二千五百里藉使
有之亦皆沙漠不毛之地而東南財賦所出
則反棄於要荒以地勢考之殊未可曉但意
古今土地盛衰不同當舜之時冀北之地未
必荒落如後世耳亦猶閩浙之間舊為蠻夷
淵藪而今富庶繁衍遂為上國土地與廢不
可以一時槩也周制九畿曰侯甸男采衛蠻

○益稷篇云外薄四
海咸建五長各迪有
功

△東漸于海西被于流沙朔南暨聲教訖于

夷鎮藩每畿亦五百里而王畿又不在其中
併之則一方五千里四方相距為萬里蓋倍
禹服之數也漢地志亦言東西九千里南北
一萬二千里先儒皆疑禹服之狹而周漢地
廣或以周服里數皆以方言或以古今尺有
長短或以禹直方計而後世以人迹屈曲取
之要之皆非的論蓋禹聲教所及則地盡四
海而其疆理則止以五服為制至荒服之外
又別為區畫如所謂咸建五長是已若
周漢則盡其地之所至而疆畫之也

四海禹錫玄圭告厥成功

漸漬被覆暨及也
地有遠近故言有
淺深也聲謂風聲教謂教化林氏曰振盪於
此而遠者聞焉故謂之聲軌範於此而遠者

△堯典云師錫命曰

△周禮太司馬云中
春教振旅以教坐作
進退疾徐疏數之節

○書有六體 典謨
訓誥誓命也

○左傳杜預註云觀國今頓丘衛縣姚邱一國商諸侯即今下邳徐奄三國皆嬴姓

效焉故謂之教上言五服之制此言誓教所
及蓋法制有限而教化無窮也錫與師錫之
錫同水土既平禹以玄圭為誓而告
成功于舜也水色黑故圭以玄云

○甘誓

甘地名有扈氏國之南郊也在
扶風郿縣誓與禹征苗之誓同
義言其討叛伐罪之意嚴其坐作進
退之節所以一衆志而起其怠也誓
師于甘故以甘誓名篇書有六體誓
其一也今文古文皆有○按有扈夏
同姓之國史記曰啓立有扈不服遂
滅之唐孔氏因謂堯舜受禪啓獨繼
及以是不服亦臆度之見耳左傳昭公
元年趙孟曰虞有三苗夏有觀扈商
有姚邠周有徐奄則有
扈亦三苗徐奄之類也

△周禮司馬法云每
鄉萬二千五百家鄉
一人長之

○又夏官司馬云凡
制軍萬有二千五百
人為軍王六軍太國
三軍次國二軍小國
一軍軍將皆命卿
○孟子告子下篇云
三不朝則大師移之
注一移之者誅其人
而變置也

大戰于甘乃召六卿 六卿六卿之卿也按周
禮卿大夫每鄉卿一人

六鄉六卿平居無事則各掌其鄉之政教禁
令而屬於太司徒有事出征則各率其鄉之
一萬二千五百人而屬於太司馬所謂軍將
皆卿者是也意夏制亦如此古者四方有變
專責之方伯方伯不能討然後天子親征之
天子之兵有征無戰今啓既親率六軍以出
而又書大戰于甘則有扈之怙強稔惡敢與
天子抗衡豈特孟子所謂六師移之者書曰
大戰蓋所以深著有扈不臣之
罪而為天下後世諸侯之戒也

△王曰嗟六事之人予誓告汝 重其事故嗟
歎而告之六

事者非但六卿有事
於六軍者皆是也

△旁通云子丑寅皆天地人之始故皆可以為正

△有扈氏威侮五行怠棄三正天用勦絕其

命今予惟恭行天之罰威暴殄之也。侮輕忽也。餘汨五行而殛

死况於威侮之者乎。三正。子丑寅之正也。夏

正。建寅怠棄者不用正朔也。有扈氏暴殄天

物輕忽不敬廢棄正朔。虐下背上也。獲罪于天

天用勦絕其命。今我伐之。惟敬行天之罰而

已。今按此章則三正迭建其來久矣。舜協時

月正日亦所以正朔也。子丑之建唐虞之前當已有之。

△左不攻于左汝不恭命右不攻于右汝不

恭命御非其馬之正汝不恭命左車左右車右也。攻治也。古者車戰之法甲士三人一居左以主射

△旁通云折馘折其左耳

○音釋云折馘斷首也

○孟子滕文公下篇註云詭遇謂不正而與會遇也

△禮記曾子問篇孔子曰天子巡狩以遷廟主行疏云遷廟主就遷廟主也

○左傳宣公四年文

居右以主擊刺御者居中以主馬之馳驅也

左傳宣公十二年楚許伯御樂伯攝叔為右以致晉師樂伯曰吾聞致師者左射以敢是車左主射也攝叔曰吾聞致師者右入壘折馘執俘而還是車右主擊刺也御非其馬之正猶王良所謂詭遇也蓋左右不治其事與御非其馬之正皆足以致敗故各指其人

以責其事而欲各盡其職而不敢忽也

△用命賞于祖不用命戮于社予則罔戮汝

戮殺也禮曰天子巡狩以遷廟主行左傳軍行被社纛鼓然則天子親征必載其遷廟之主與其社主以行以示賞戮之不敢專也祖左陽也故賞于祖社右陰也故戮于社罔子也罔戮與上戮字同義言若不用命不但戮及汝身將併汝妻子而戮之戰危事也不重

○禮記云建國之神位右社稷而左宗廟

○周禮司厲云其奴男子入于罪隸女子入于春臺註謂坐為盜賊而為奴者輸於罪隸春人豪人之官也

△太康啓之子好畋獵十旬不反五子作歌

○益穆云帝庸作歌曰云云乃歌曰股肱喜哉元首起哉百工熙哉

其法則無以整肅其衆而使赴功也或曰戮辱也。擗戮猶秋官司厲擗男子以為罪隸之擗。古人以辱為戮。謂戮辱之以為擗耳。古者罰弗及嗣。擗戮之刑非三代之所宜有也。按此說固為有理。然以上句考之。不應一戮而二義。蓋罰弗及嗣者常刑也。予則擗戮者非常刑也。常刑則愛克厥威。非常刑則威克厥愛。盤庚遷都尚有勸懲滅之無遺育之語。則啓之誓師豈為過哉。

○五子之歌

五子太康之弟也。歌與帝舜作歌之歌同義。今文無

古文有。

太康尸位以逸豫滅厥德黎民咸貳乃盤遊

△五子梁惠王下篇有之

△左傳襄公四年云魏絳曰昔夏之方衰也后羿自鉅遷于窮石因夏民以代夏政

無度畋于有洛之表十旬弗反。尸謂居其位而不為其事。如古人所謂尸祿尸官者也。豫樂也。夏諺曰吾王不遊吾何以休。吾王不豫吾何以助。一遊一豫為諸侯度。夏之先王非不遊豫。蓋有其節。皆所以為民。非若太康以逸豫而滅其德也。民咸貳心而太康猶不知悔。乃安於遊畋之無度。言其遠則至于洛水之南。言其久則十旬而弗反。是則太康自棄其國矣。

△有窮后羿因民弗忍距于河

窮國名。羿窮國君之名也。

或曰羿善射者之名。賈逵說文羿帝嚳射官。故其後善射者皆謂之羿。有窮之君亦善射。故以羿目之也。羿因民不堪命。距太康于河北使不得返。遂廢之。

△三亭生亭下篇有之

○旁通云二百五篇之詩

△厥弟五人御其母以從御侍也。僖于洛之汭五子。咸怨述大禹之戒以作歌所謂小弁之怨親也。小弁之詩父子之怨。五子之歌兄弟之怨。親之過大而不怨。是愈疏也。五子知宗廟社稷危亡之不可救。母子兄弟離散之不可保。憂愁鬱悒。慷慨感厲。情不自已。發為詩歌。推其亡國敗家之由。皆原於荒棄皇祖之訓。雖其五章之間。非盡述皇祖之戒。然其先後終始。互相發明。史臣以其作歌之意。序於五章之首。後世序詩者。每篇皆有。小序以言其作詩之義。其原蓋出諸此。

△其一曰皇祖有訓。民可近不可下。民惟邦

△音釋云馭與御同

本本固邦寧此禹之訓也。皇大也。君之與民。之不侔。以情而言。則相須以安。猶身體之相資。以生也。故勢疎則離。情親則合。以其親。故謂之近。以其疎。故謂之下。言其可親而不可疎之也。且民者國之本。本固而後國安。本既不固。則雖強如秦。富如隋。終亦滅亡而已矣。其一其二。或長幼之序。或作歌之序。不可知也。

△予視天下愚夫愚婦。一能勝予。一人三失。怨豈在明。不見是圖。予臨兆民。凜乎若朽索之馭六馬。為人上者。奈何不敬。

子自稱也。君失人心。則為獨夫。獨夫則愚夫愚婦一能勝我矣。三失者。言所失衆也。民心

然皆豈待其彰著而後知之當於事幾未形之時而圖之也朽腐也朽索易絕六馬易驚朽索固非可以馭馬也以喻其危懼可畏之甚為入上者奈何而不敬乎前既引禹之訓言此則以己之不足待民之可畏者申結其義也

△其二曰訓有之內作色荒外作禽荒其酒嗜音峻宇彫牆有一於此未或不亡此亦禹之訓也色荒惑嬖寵也禽荒耽遊畋也荒者迷亂之謂甘嗜皆無厭也峻高大也宇棟宇也彫繪飾也言六者有其一皆足以致滅亡也禹之訓昭明如此而太康獨不念之乎此章首尾意義已明故不復申結之也

△旁通寰宇記云帝堯始封於唐在太原郡平晉縣北二里有故唐城堯所築也及為天子都平陽平陽即太原詳說云堯都平陽舜都蒲坂禹都安邑相去不盈二百里皆在冀州

○左傳哀公六年有

△周禮天官云一曰治典二曰教典三曰禮典四曰政典五曰刑典六曰事典又云八則治都鄙一曰祭

△其三曰惟彼陶唐有此冀方今失厥道亂

其紀綱乃底滅亡堯初為唐侯後為天子都陶唐堯授舜舜授禹皆都冀州言冀方者舉中以包外也大者為綱小者為紀底致也堯舜禹相授一導以

有天下今太康失其道而紊亂其紀綱以致滅亡也○又按左氏所引惟彼陶唐之下有帥彼天常一語厥道作其行乃底滅亡作乃滅而亡

△其四曰明明我祖萬邦之君有典有則貽

厥子孫關石和鈞王府則有荒墜厥緒覆宗

絕祀明明而又明也我祖禹也典猶周之六典則猶周之八則所以治天下之典

祀二曰法則三曰廢
置四曰祿世五日賦
貢六曰禮俗七日刑
賞八曰田役
○旁通云五權者銖
兩加鈞石也黃鍾律
管容千一百黍重十
二銖兩之為兩故一
兩重二十四銖十六
兩為斤三十斤為鈞
四鈞為石
○同云又按法度之
制見前漢書律歷志
權與物鈞者孟康云
謂鍾與物鈞所稱適
停則衡平也繩直生
準者昔昭云立準以
望繩以水為平也矩繩權衡謂之五則此法度之所以自出也

章法度也。貽遺闕通和乎也。百二十斤為石。三十斤為鈞。鈞與石五權之最重者也。闕通以見彼此通同無折閱之意。和平以見人情兩平無乖忤之意。言禹以明明之德君臨天下。典則法度所以貽後世者如此。至於鈞石之設所以一天下之輕重而立民信者。王庭亦有之。其為子孫後世慮可謂詳且遠矣。奈何太康荒墜其緒。覆其宗而絕其祀乎。○又按法度之制始於權。權與物鈞而生衡。衡運生規。規圓生矩。矩方生繩。繩直生準。是權衡者。又法度之所自出也。故以鈞石言之。

△其五曰嗚呼曷歸子懷之悲萬姓仇予予將疇依鬱陶乎予心顏厚有怙怙弗慎厥德

△孟子盡心下篇云
征者上伐下也商國
不相征也註云征所
以正人也諸侯有罪
則天子討而正之

雖悔可追 呼曷歸歎息無地之可歸也予將疇依彷徨無人之可依也為君至此亦可哀矣仇予之子指太康也指太康而謂之子者不忍斥言忠厚之至也鬱陶哀思也顏厚愧之見於色也怙怙愧之發於心也可追言不可追也

○胤征 胤國名孟子曰征者上伐下也夏中衰之運拜執國政社稷安危在其掌握而仲康能命胤侯以掌六師胤侯能承仲康以討有罪是雖未能行拜不道之誅明義和黨惡之罪然當國命中絕之際而能舉師伐罪猶為禮樂征伐之自天子出也夫子所以錄其書者以是歟今文無古文有

△旁通云經世書以
益義和為仲康元年
事則是即位之次年
也古者逾年改元

○或曰。蘇氏以為義和貳於羿忠於
夏者。故羿假仲康之命。命胤侯征之。
今按篇首言仲康肇位四海。胤侯命
掌六師。又曰胤侯承王命。徂征。詳其
文意。蓋史臣善仲康能命將遣師。胤
侯能承命致討。未見貳仲康不能制
命而罪胤侯之為專征也。若果為篡
羿之書。則亂臣賊子所為。
孔子亦取之。為後世法乎。

惟仲康肇位四海。胤侯命掌六師。義和廢厥

職。酒荒于厥邑。胤后承王命。徂征。仲康太康之弟。胤侯

胤國之侯。命掌六師。命為大司馬也。仲康始即位。即命胤侯以掌六師。次年方有征義和之命。必本始而言者。蓋史臣善仲康肇位之

○左傳註云禹孫太康潘放失國。夏人立其弟仲康。子相立。羿遂代相

○旁通云漢高片崩
呂祿呂產欲作亂。絳
侯周勃誅之。大臣迎
立代王。王至代。即
天子位。是為文帝。其
夕入未央宮。夜拜宋
昌為衛將軍。鎮撫南
北軍云

時已能收其兵權。故義和之征。猶能自入于
出也。林氏曰。羿廢太康而立仲康。然其篡也。
乃在相之世。仲康不為羿所篡。至其子相。然
後見篡。是則仲康猶有以制之也。羿之立仲
康也。方將執其禮樂征伐之權。以號令天下。
而仲康即位之始。即能命胤侯掌六師。以收
其兵權。如漢文帝入自代。即皇帝位。夜拜
宋昌為衛將軍。鎮撫南北軍之類。義和之罪。
雖曰沉亂于酒。然黨惡於羿。同惡相濟。故胤
侯承王命。徂征之。以翦羿羽翼。故仲康之
世。羿不得以逞。使仲康盡失其權。則羿之篡
夏。豈待相而後敢耶。義和氏。夏合為一官。
曰胤后。者諸侯入為王朝。公卿如禹。稷。伯夷。謂之。后也。

△告于衆曰。嗟子有衆。聖有謨訓。明徵定保。

△音釋云微知陵反此字無證音以避宋講代之耳

先王克謹天戒。臣人克有常憲。百官脩輔厥后。惟明明。徵音澄。○徵驗。保安也。聖人謨訓。即謨訓之語。天戒日蝕之類。謹者恐懼修省。以消變異也。常憲者奉法修職以供乃事也。君能謹天戒於上。臣能有常憲於下。百官之衆。各修其職以輔其君。故君內無失德。外無失政。此其所以爲明明后也。又按日蝕者君弱。臣強之象。后拜專政之戒也。義和掌日月之官。黨拜而不

言。是。可。赦。乎。
△每歲孟春。適人以木鐸。徇于路。官師相規。工執藝事。以諫其或不恭。邦有常刑。適。慈秋反。鐸。達

△旁通云非師保之師也。業以太夫師長之師。

○孟子離婁上篇云。故曰責難於君。謂之恭。原善開邪。謂之敬。

各反。○適人。宣令之官。木鐸。金口木舌。施政教時。振以警衆也。周禮小宰之職。正歲帥治官之屬。徇以木鐸。曰。不用法者。國有常刑。亦此意也。官以職言。師以道言。規正也。相規云者。胥教誨也。工。百工也。百工技藝之事。全理存焉。理無往而不。在。故言無微而可略也。孟子曰。責難於君。謂之恭。官師百工。不能規諫。是謂不恭。不恭之罪。猶有常刑。而况於畔官。離次。傲擾。天紀者乎。

△惟時義和。顛覆厥德。沈亂于酒。畔官離次。傲擾天紀。遐棄厥司。乃季秋月朔。辰弗集于房。瞽奏鼓。晉夫馳。庶人走。義和尸厥官。罔聞。

△旁通云政典玩其辭意真非軍旅之辭

○音釋云日蝕在五
年傳言仲康即位次
年征羲和而此引唐
志又云五年方日蝕
然以經文筆位二字
觀之當從前說經世
書亦云次年

○左傳莊公二十五年
年云夏六月辛未朔
日有食之鼓用牲于
社非常也唯正月之
朔慝未作日有食之於是乎用幣于社伐鼓于朝註云正月正陽之月夏之四月也

○周禮庭氏掌射國中之之矢鳥若不見其鳥獸則以救日之弓與月之矢夜射之註云日
月之食陰陽相勝之變也於日食則射太陰月食則射太陽

知昏迷于天象以于先主之誅政典曰先時

者殺無赦不及時者殺無赦言次位也官以職

官則亂其所治之職離次則舍其所居之位
俶始擾亂也天紀則洪範所謂歲月日星辰
曆數是也蓋自堯舜命羲和曆象日月星辰
之後為羲和者世守其職未嘗紊亂至是始
亂其天紀焉遐遠也遠棄其所司之事也辰
日月會次之名房所次之宿也集漢書作輯
集輯通用言日月會次不相和輯而掩蝕於
房宿也按唐志日蝕在仲康即位之五年警
樂官以其無目而審於音也奏進也古者日
蝕則伐鼓用幣以救之春秋傳曰惟正陽之
月則然餘則否今季秋而行此禮夏禮與周
異也嗇夫小臣也漢有上林嗇夫庶人庶人

之在官者周禮庭氏救日之弓矢嗇夫庶人
蓋供救日之百役者日馳日走者以見日蝕
之變天子恐懼于上嗇夫庶人奔走于下以
助救日如此其急羲和為曆象之官尸居其
位若無聞知則其昏迷太象以于先王之誅
豈特不恭之刑而已哉政典先王政治之典
籍也先時後時皆違制失時當誅而不赦者
也今日蝕之變如此而羲和罔聞知是固下
先主後時
之誅矣

△今予以爾有衆奉將天罰爾衆士同力王

室尚弼予欽承天子威命將行也我以爾衆

同力王室庶幾輔我以敬承天子之威命也
蓋天子討而不伐諸侯伐而不討仲康之命

△左傳文公四年云
齊侯曰諸侯敵王
所讎而獻其功註云
敵初當也憤恨怒也

亂侯得天子討罪之權亂侯之征義和得諸
侯敵讎之義其辭直其義明非若五霸樓諸
侯以伐諸侯其
辭曲其義迂也

△火炎崑岡玉石俱焚夫吏逸德烈于猛火

殲厥渠魁管從罔治舊染汙俗咸與惟新
廉反○崑出玉山名岡山脊也逸過渠大也
言火炎崑岡不辨玉石之美惡而焚之苟為
不吏而有過逸之德不擇人之善惡而戮之
其害有其於猛火不辨玉石也今我但誅首
惡之魁而已脅從之黨則罔治之舊染汙俗
之人亦皆赦而新之其誅惡宥善是猶王者
之師也今按亂從始稱義和之罪止以其時
官離次做擾天紀至是有脅從舊染之語則

知義和之罪當不止於廢時亂日是必聚不
逞之人崇飲私邑以為亂黨助弄為惡者也
胤后徂征隱其叛逆而不言者蓋正名其罪
則必鋤根除源而仲康之勢有未足以制后
弄者故止責其曠職之罪
而實誅其不臣之心也

△嗚呼威克厥愛允濟愛克厥威允罔功其

爾眾士懋戒哉
謂記曰軍旅上威蓋軍法不

可以不嚴嚴明勝則信其事之必濟姑息勝
則信其功之無成誓師之未而復嗟歎以是
深警之欲其勉力
戒懼而用命也

△禮記檀弓篇云細
人之愛人也以姑息
云
○同以儀云賓客主
喪祭禮上敬喪事主
哀會同主謂軍旅思
險云

〇同以類云意存正
 〇同以類云意存正
 〇同以類云意存正
 〇同以類云意存正



書經卷之二終



